

王
氏
醫
案

王氏醫案續編卷六 原名仁術志

杭州王士雄孟英醫案

同郡凌 霄九峰續輯

己酉春胡孟紳山長患疑坐臥不安如畏人捕自知爲痰餌白
痰動其偏狂之勢
金丸吐之汗出頭面神躁妄聞孟英切其脈絃滑洪數不爲指
撓投石膏竹茹枳實黃連旋覆花粉膽星石菖蒲加雪蘂竹瀝
童溲吞礞石滾痰丸下其痰火連得大解夜分較安惟不能斷
酒爲加綠豆銀花枳椇子吞當歸龍蒼丸旬餘脈證漸平神氣

三上
亦靜。尙多疑懼。改投犀角元參丹。參丹皮竹葉竹茹貝母百合。蓮心豬膽汁炒棗仁鹽水炒黃連吞枕中丹。以清包絡肝膽之有餘。而調神志。又旬日各恙皆蠲。卽能拈韻。繼與十味溫膽法善其後。乃弟季權同時患黑斑苔穢。脈渾氣粗。面垢。孟英卽以涼膈散投之。大解得行。腕亦不悶。斑皆透綻。脈顯滑數。而洪遂與大劑涼潤清肅之藥。直俟其旬日外大解不瀉。藥始緩投。復又沉臥不醒。人皆疑之。孟英曰。痰熱尙熾也。仍投大劑數帖。果頻吐膠痰。累日而眠食漸安。是役也。當兩病披猖之際。舉家皇皇。他醫或以前證爲神不守舍。議投溫補。後證則以爲必敗。聞

者無不危之。賴季權之夫人獨具卓識。任賢不貳。孟英始無掣肘之慮。而咸得收功也。

屠敬思體氣素弱。去冬因子殤于痘。醫與舒鬱填陰。病日以劇。俞云不治。乃延孟英診之。兩關甚數。寸上洪滑。嗽逆痰多。臥不著枕。溺赤便難。極其畏冷。是冬溫未罷。誤補熱鬱之候。世間之死于勞損者。何嘗盡是虛證。每爲補藥債事。投以廓清肺胃之藥。周身發疥。各恙漸安。蘊伏既清。始投滋養善後。不僅病愈。次年春更得一子。

許芷卿亦精于醫。偶患外感。卽服清散之藥。而證不減。或疑其

非春溫也。邀孟英質之診脈遲澀二便皆行筋掣不眠畏寒能

血、熱、之、名、微

食喉舌皆赤與大劑清營藥數服而瘥迨夏兩腋患疥外科治

之久而不愈孟英謂其平昔善飲蘊熱深沉瘍科藥亟宜概屏

令以雪羹湯送當歸龍薈丸果得漸瘳秋閒其太夫人患感連

敗脈、面、便、秘、面、赤、可、與、其、非、感、症、矣、

服溫散轉為肢厥便秘面赤冷汗脈來一息一歇舉家惶惶慮

卽脫變孟英視其苔黃膩不渴按其胸悶而不舒且聞其嗅諸

食物無不極臭斷為暑濕內伏挾痰阻肺肺主一身之氣氣壅

不行法宜開降是虛脫之反面也設投補藥則內閉而外脫昧

世之愈補愈虛以至於厥者六○半由此

者猶以為投補遲疑而不及救孰知真實類虛不必以老年懷

亦下虛而誤補
其上者應補之
難補不如法向
且致害況不應
補而補者乎

成見總須以對證爲良藥。果一劑而脈至不歇。轉爲絃滑。再服汗止肢和。便行進粥數帖。而痊。方用紫苑白前竹茹枳實旋貝杏。婁兜鈴枇杷葉也。

沈辛甫善軒岐之學。其令正體素弱而勤于操作。年踰四秩。凡事過多。兼以便溲。冷汗氣逆。參耆屢進。病日以危。孟英診曰。心脾之脈尙有根。猶可望也。與龍骨牡蠣龜板鼈甲海螵蛸石英石脂餘糧熟地茯苓爲方。一劑轉機。漸以向愈。

陳舜廷患瘧久不愈。其體素虧。醫皆束手。孟英視之。舌絳無津。微寒溲赤。原屬春溫化瘧。體與病皆不是。小柴胡之例。過投溫

散熱熾陰傷與竹葉石膏湯撤熱存津而愈。

謝再華室素患肝厥。孟英于癸卯歲授藥一劑。六載安然。今夏偶患齒齲。繼漸鼻腐。頭疼。汎阻。徹夜無眠。蓋秦某作格陽證。治進以腎氣湯數服而致劇也。孟英與大劑神犀湯。加知榮。旬日而瘳。

胡韻梅年已踰冠。因夜坐感寒。患頭疼惡冷。嘔吐肢冷。孟英視之曰。舌絳脈數。斑疹之候。斷非受寒也。幸胡平昔欽信。遂與清透藥服之。次日點形圓綻。細詢果未出痘。但火勢甚熾。恐其惑于俗論。囑請專科王蔚文會診。所見略同。一路清涼。自起發至。

此大實之證故
治宜如此子見
一小兒出痘自

姑至終參茸不
輟於口稍停其
藥卽慨然不振
正與此案相對
待可見用藥用
熱皆宜隨證變
通未可執一而
論也

宜降而反升之

落痲毫不雜一味溫升攻托之藥而滿身密布形色粗紫漿濃
痲黑便悶不飢渴無一息之停苟不如是用藥其能免乎此建
中瑣言之所以有功于世也

朱養心後人名大鏞者新婚後神呆目瞪言語失倫或疑其體
弱神怯與鎮補安神諸藥馴致善飢善怒罵詈如狂其族兄已
生邀孟英診之右脈洪滑與犀角石膏薑蒲胆星竹瀝知母吞
礪石滾痰丸而愈其大父患四肢冷顫常服溫補延久不痊孟
英切其脈絃而緩曰非虛也與通絡方吞指迷茯苓丸而瘥
許安卿患咽痛瘍科黃秀元連與升散之藥延及齟腫牙關不

登其病之層劇

開舌不出齒。自汗脈澀。絕穀瀕危。其族兄辛泉逆孟英往勘。卽洗去滿頸敷藥。而以菊葉搗塗。吹以錫類散。煎犀羚元參射干馬勃。卮貝山豆根等藥灌之。數日而痊。

莊芝階舍人三令媳患搐搦。閉日而作。孟英診脈絃數。泛泛欲嘔。口苦不飢。凜寒頭痛。汛事愆期。洩熱如火。乃厥陰暑瘧也。投以大劑犀羚元參卮菊木通。知棟花粉銀花之藥。數日而愈。仲夏淫雨匝月。泛濫爲災。季夏酷暑如焚。人多熱病。有沈小園者。患病于越。醫者但知濕甚。而不知化熱。投以平胃散數帖。壯熱昏狂。證極危殆。返杭日。渠居停吳仲莊。挽孟英視之。脈滑實。

而數大渴。溲赤。稀水旁流。與石膏大黃數下之而愈。仲莊欲施藥。濟人託孟英定一善法。孟英曰。余不敢師心自用。攷古惟葉天士甘露消毒丹。神犀丹二方。爲濕溫暑疫最安之藥。一治氣分。一治營分。規模已具。卽有兼證。尙可通融。司天在泉。不必拘泥。今歲奇荒。明年恐有奇疫。但甘露二字。人必疑爲大寒之藥。消毒二字。世人或誤作外證之方。因易其名曰普濟解疫丹。吳君與諸好善之家。依方合送。救活不知若干人也。

附普濟解疫丹

雍正癸丑葉天士先生定

飛滑石

十五兩

綿茵陳

十一兩

淡黃芩

十兩

石菖蒲

六兩

貝母

五兩

木通

五兩

藿香

射干

連翹

薄荷

白豆蔻

各四兩

右藥曬燥生研細末

見火則藥盡熱

每服三錢。開水調服。日二次。

或以神麴糊丸如彈子大。開水化服亦可。

孟英自註云。此治濕溫時疫之主方也。按六元正紀五運

分步。每年春分後十三日交二運。徵火旺。天乃漸溫。芒種

後十日交三運。宮土旺。地乃漸濕。溫濕蒸騰。更加烈日之

暑。燥石流金。人在氣交之中。口鼻吸受其氣。留而不去。乃

成溫熱暑疫之病。則為發熱倦怠。胸悶腹脹。肢痠咽腫。斑

疹身黃。頤腫口渴。溺赤便秘。吐瀉瘡痢。淋濁瘡瘍等證。但

看病人舌苔淡白或厚膩或乾黃者是暑濕熱疫之邪尙在氣分。悉以此丹治之。立效。而薄滋味。家慈每于夏季茹素且云汝輩爲醫者當知之吾見疫癘流行之歲無論貧富無可避之總由不知堅壁清野之故耳試看茹素者獨可不染豈非胃中清虛邪不能留乎旨哉斯言特謹識之

遠酒色尤爲辟疫之仙方。智者識之。醫家臨證能準此化裁。自可十全爲上。右參喻嘉言張石頑葉天士沈堯封諸家

附神犀丹

犀角尖

磨汁

石菖蒲

黃芩

各六兩

直生地

冷水洗淨浸透搗絞汁

銀花

各一斤如有鮮者搗汁用尤良

黨清

連翹

各十兩

板藍根

九兩無則以飛淨青黛代

之

香豉八兩

元參七兩

花粉

紫草各四兩

各藥生曬

切忌火炒

研細以犀角地黃汁糞清和搗爲丸

切勿加密

如難丸可將

香豉煮爛

每重三錢涼開水化服小兒用半丸如無糞清可加人中

黃四兩研入

孟英自註云溫熱暑疫諸病邪不卽解耗液傷營逆傳內陷痙厥昏狂譫語發斑等證但看病人舌色乾光或紫絳或圓硬或黑苔皆以此丹救之若初病卽覺神情昏躁而舌赤口乾者是溫暑直入營分酷熱之時陰虛之體及新

產婦人患此最多。急須用此。多可挽回。切勿拘泥。日數誤。投別藥。以償事也。兼治痘瘡毒重。夾帶紫斑。危證。暨痘瘡。後餘毒內熾。口糜咽腐。目赤神煩。諸證。右本葉氏參治驗。

姚祿皆在金陵。適遇大水。繼而回杭。途次酷熱。患感。顧某診爲濕邪。與桂枝葛根藥三帖。病乃劇。趙笛樓知其誤治。連用清解。因見藍斑。不肯承手。迺孟英視之。脈細數而體瘦。平昔陰虧。熱邪藉風藥而披猖。營液得溫燥而乾涸。斑色既紺。危險萬分。勉投大劑石膏。知母。白薇。卮子。青蒿。丹皮。竹葉。竹瀝。童溲之藥。調以神犀丹。三服大解。下如膠漆。斑色漸退。而昏狂遺溺大渴不

已○仍○與○前○方○調○以○紫○雪○數○劑○熱○退○神○清○而○言○出○無○倫○猶○如○夢○謔○
或○慮○其○成○癲○孟○英○曰○痰○雷○包○絡○也○與○犀○角○菖○蒲○元○參○鼈○甲○花○粉○
竹○茹○黃○連○生○地○木○通○甘○草○爲○方○調○以○真○珠○牛○黃○始○得○漸○安○改○授○
存○陰○調○理○而○愈○

陳○蘊○泉○陡○患○昏○譫○夤○夜○乞○診○于○孟○英○脈○甚○滑○數○苔○色○膩○黃○乃○平○
素○多○痰○兼○吸○暑○熱○與○清○解○藥○一○劑○化○而○爲○瘡○脈○亦○較○平○或○謂○其○
體○弱○不○宜○涼○藥○須○用○人○參○渠○家○惶○惑○孟○英○堅○持○以○爲○不○可○蓋○暑○
脈○頗○類○乎○虛○而○痰○阻○于○肺○呼○吸○不○調○又○與○氣○虛○短○促○者○相○似○平○
昔○雖○虛○有○病○必○先○去○病○况○熱○能○傷○氣○清○暑○熱○卽○所○以○顧○元○氣○也○

吾證人多不識
此二層音人雖
言論及而無此
明晰

何新之亦贊是議。遂連投白虎加減而愈。次年春因喪妾悲悼。復感溫邪。失于肅清。病日以甚。迨孟英自豫章歸診。已不可救藥矣。

高若舟庶母患脫肛。孟英脈之絃而滑。洩澀苔黃。雖屬高年。非虛證也。清其濕熱而痊。

謝再華請孟英治。乍浦人滯下證。晝夜百餘行。不飢不渴。而欲嘔腹痛。上及于心胸。切其脈頗平和。是寒濕也。與時行暑濕痢大相徑庭。投薑桂萸朴之劑。數服霍然。

趙子善患瘡。畏冷不飢。孟英診之脈滑數。苔黃洩赤。腕間善嘔。

投竹葉石膏湯加減以清伏暑而痊。

王一峯次郎患瘧多服薑棗溫散之藥因致壯熱耳聾譫語殷
屎不寐昏狂見人欲敵顧聽泉從伏暑治亦不效延至初冬吳
愛棠囑其求診于孟英按脈皆滑卽以顧疏犀角等藥內加葛
大葛根一兩蒲膽星竹瀝珍珠牛黃爲劑吞白金丸一服卽減旬日霍然繼
其令堂發熱善嘔頻吐黏沫頭疼如劈口苦耳聾神識昏瞢脈
絃而數乃伏暑挾內風之鵠張與犀角元參竹茹花粉知翹苓
斛卮菊雪羹等藥七日而瘳。

王子能參軍令正久患吐血醫不能愈延孟英視之脈絃滑而

搏指右手較甚渴喜冷飲米穀礙于下嚥小洩如沸夜不成眠久服滋陰毫無寸效孟英以葶藶湯合雪羹加石膏知母花粉枇杷葉竹茹旋覆滑石梨汁大劑投三十劑而痊繼而參軍旋省患久積憂勞真陰欲匱竟難救藥尋果仙遊

余朗齋令堂秋開患伏暑孟英已爲治愈失于調理復患氣衝自汗肢冷少餐攻補不投仍邀孟英治之與填補銜任清滌伏痰法合甘麥大棗以補血而愈

高瑞生令弟瘧久不痊形消不食醫謂虛也投補藥而更增自汗孟英診之脈絃滑腕下聚氣投小陷胸加竹茹旋枳以開痰

結。漸。能。納。穀。繼。以。清。養。病。去。肌。充。

張。篋。伯。紀。綱。李。貴。患。感。數。日。忽。然。昏。厥。比。沿。途。追。求。孟。英。往。視。業。已。薄。暮。主。人。謂。自。朝。至。此。一。息。奄。奄。恐。不。及。灌。藥。矣。實。不。便。屈。診。孟。英。曰。余。既。來。且。視。之。見。其。面。色。灰。黯。戴。眼。口。閉。按。其。脈。尚。不。絕。與。菖。蒲。膽。星。竹。茹。旋。覆。等。爲。劑。和。入。童。溺。調。以。牛。黃。至。寶。丹。灌。之。覆。杯。而。起。

吳。醞。香。大。令。宰。金。谿。自。春。仲。感。冒。而。起。迨。夏。徂。秋。痰。多。氣。逆。肌。肉。消。瘦。延。至。初。冬。諸。證。蜂。起。耳。鳴。腰。痛。臥。卽。火。升。夢。必。下。戈。凜。寒。善。怒。多。醫。咸。主。補。虛。迄。無。小。效。臥。理。南。陽。已。將。半。載。羣。公。子。

蘊香之證于於
 五月間曾為一
 視知其感受溫
 邪投以清解三
 服後頗覺輕減
 又以赴飲而病
 復如故然步履
 尚無恙也後乃
 惑於溫補之說
 熟地鹿膠等膩
 滯之藥悉服不
 較比孟英至而

計無所施。飛函至家。囑大公子汾伯副車叩求孟英來署。已冬
 仲之杪日矣。診脈絃細而左寸與右尺甚數。右寸關急搏不調。
 且病者頸垂不仰。氣促難言。舌黯無苔。面鰲不渴。孟英曰。病雖
 起于勞傷挾感。而延已經年。然溯其所自。平昔善飲。三十年來。
 期在必醉。非僅外來之客邪。失于清解。殆由內伏之積熱。久錮
 深沉。溫補雜投。互相煽動。營津受燥。肉削痰多。升降愆常。火浮
 足冷。病機錯雜。求愈殊難。既承千里相招。姑且按經設法。以石
 膏知母花粉黃芩等清肺。滌痰。青蒿鼈甲。廔子金鈴等柔肝泄
 熱。元參女貞天冬黃檗等壯水制火。竹茹旋復杷葉橘紅等宣

其勢已棘雖近
漸清解大勢向
愈然病久元虛
邪去而正亦隨
之此所以終於
不起也

中降氣出入爲方。閒佐龍薈丸。直瀉膽經之酒毒。紫雪丹搜逐
隨絡之留邪。服三劑而舌布黃苔。蘊熱漸泄。服六劑而嗽滅。知
飢渴喜熱飲。伏痰漸化。季冬八日。卽能出堂訊案。十劑後凜寒
始罷。足亦漸溫。肺氣已得下降。望日出。署行香。繼而兵火之夢
漸清。夜亦能眠。迎春東郊。審結積案。亦不覺其勞矣。方中參以
西洋參。生地。麥冬。充其液。銀花。綠豆。雪羹。化其積。至庚戌歲朝。
各處賀年。午後護日。極其裕如。且肌肉漸豐。面黑亦退。藥之對
病。如是之神。調養至開篆時。起居如舊。各恙皆瘥。而孟英將赴
宜黃。楊明肝之招。醢香爲錄。其逐日方案。跋而舛之。茲特采其

予室人患痰飲
脇痛二十年矣
初則畏寒喜熱
頗宜健脾利氣
之品至甲辰冬
服神木丸一料
風患頓捐漸不
畏寒已酉冬因
氣喘而復病誤
服遊山散錢許
勢遂披猖得孟
英診視始漸就

大略如此。

定州楊素園明府宰宜黃吏治有聲精于醫學其夫人多病自
治不痊毘陵吳子和囑其函懇醞香屈孟英診視而孟英因母
老急欲旋里堅辭不往即據來信所述病狀擬方立案云細閱
病原證延二十餘年始因啖杏生冷傷乎胃陽肝木乘虛遂患
脇疼攣掣身軀素厚淫盛為痰溫藥相投是其效也馴致積溫
成熱反助風陽消燦胃津漸形瘦削而痰飲者本水穀之悍氣
緣肝升太過胃降無權另闢窠囊據為山險初則氣滯以停飲
繼則飲蟠而氣阻氣既阻痺血亦愆其行度積以為痰前此神

安痊但痰飲未
能盡除每日須
按脈數百下噎
氣數十口方覺
稍快否則胸痞
異常二便恒秘
而便出仍不乾
燥偶有時二便
通調則爲之體
適者終日正內
經所謂得後與
氣則快然而痰
也明明痰飲之
證特以陰血久
虧既不能存燥
而氣機素滯又
不利滋填遂至
其可爲計安得

未丸控涎丹之滌飲。丹參飲桃核承氣之逐血。皆爲傑構。已無
遁情。迨延久元虛。卽其氣滯而實者。亦將轉爲散漫。而無把握
矣。是以氣升火浮。顙紅面腫。氣降火息。黃瘦日增。苟情志不怡。
病必陡發。以肝爲剛臟。在志爲怒。血不濡養。性愈併張。胃土屬
陽。宜通宜降。通則不痛。六腑以通爲用。更衣得暢。體覺寬舒。是
其徵也。體已虛病似實。虛則虛于胃之液。實則實于肝之陽中。
虛原欲納食。而肝逆虬擾。欲嘔吐出之水。已見黑色。似屬胃底
之濁陰。風鼓波瀾。翻空向上。勢難再攻。承示脈至兩關中。取似
形鼓指。重按杳然。詎爲細故。際此春令。正鳶飛魚躍之時。仰屋

孟英常加膠視
而盡刈其根株
耶

圖維參徹土綢繆之議。是否有當。仰就斤繩。

沙參 八錢

鮮竹茹 四錢

川椒紅 二分

烏梅肉炭 六分

茯苓 三錢

旋覆 三錢

金鈴肉 二錢

柿蒂 十箇

仙半夏 一錢

淡肉荏蓉 一錢五分

吳萸湯炒黃連 四分

冬蟲夏草 一錢五分

冬蟲夏草 一錢五分

另用炙龜版藕各四兩漂淡陳海蛇二兩鳧茈一兩精石四

錢先煮清湯代水煎藥

正月十四日

右擬方案。來差星夜賁回。于十六日到宜。素園讀案狂喜。以爲
洞見臟腑。必欲孟英一診。以冀霍然。遂賁夜備輿。專丁持函求
孟英暫緩歸期。醞香篤于寅誼。再四勸駕。併囑四令。卽季眉偕

行孟英迫于情不可卻二十二日抵宜署初診案云證踰二十
年右脇聚氣有升無降飲阻不宣嘔逆減餐亦將半載二便非
攻不暢容色改換不常吐苦吞酸苔黃舌絳渴喜冷飲畏食甘
甜甘能緩中冷堪沃熱病機于此逗露根深難卽蠲除標實本
虛求痊匪易據述脈亦屢遷似無定象夫旣流善幻顯屬于痰
茲按脈左緩滑右爽遲兩尺有根不甚絃澀是汎愆因乎氣阻
尙非陰血之枯春合肝木乘權胃土久受戕尅病已入絡法貴
緩通通則不痛腑以通爲補法雖時變不能舍通字以圖功布
鼓雷門諸希教正

沙參 八錢 鮮竹茹 四錢 青黛 五分 旋覆 三錢 酒炒黃連 六分

白前 一錢 生白痰 三錢 紫苑 一錢 海石 五錢 川棟子 三錢

川貝 一兩 黑卮 三錢

另以生蛤粉生冬瓜子蘆根蘆根各壹兩絲瓜絡五錢漂蛇

二兩柿蒂十箇先煮湯代水煎藥蒸鬚二分 後下

再診左脈如昨兼絃右寸亦轉緩滑中脘氣漸下降二便欲解
不行蓋升降愆常樞機窒澀由乎風陽浮動治節橫斜肺既不
主肅清一身之氣皆滯也輕可去實先廓上游

前方去海石加括婁三錢枳實一錢

三診脈來較靜。小洩漸行。雖未更衣。已能安穀。濁得下降。導以
清通。

前方去貝棟加歸尾錢半桃仁十粒送服導水九十粒

四診。骸涼便滯。氣少下趨。額面時紅。火炎上僭。兩脇較熱。絡聚
痰瘀。疊授清宣。更衣色黑。噫氣漸罷。酸水不嘔。納穀頗增。脈稍
和緩。法仍緩導。冀刈根株。

前方去枳實歸尾減導水九五粒

五診。各恙皆減。眠食漸安。火猶易升。頭疼面赤。頰痠結核。腸熱
未蠲。脈漸柔和。且參清養。

前方去白前青黛紫苑黃連加銀花貝母黃菊丹參陳細茶
橄欖

六診積痰下降。頸核漸平。舌紫口乾。卯辰熱。陰虛木旺。氣道
尙未肅清。養血靖風。自可使其向愈。

前方去陳茶蕪。加石斛

留贈善後方 便色轉正用此

沙參

八錢

冬虫夏草

二錢

女貞

三錢

丹參

三錢

鮮竹茹

四錢

川斛

五錢

鹽水泡橘紅

八分

黃菊

三錢

旋覆

三錢

黑扈

三錢

川貝

四錢

金鈴肉

錢半

另以炙鼈甲漂蛇各一兩葦莖二兩絲瓜絡五錢煮湯代水煎藥

又諸恙盡瘳用此滋養

前方去橘紅菊花金鈴子旋覆加石英沙蒺藜苓各三錢
從蓉當歸各錢半湯引去葦莖加炙坎版一兩藕二兩

余姪森伯患發熱面赤渴而微汗孟英視之曰春溫也乘其初
犯邪尚在肺是以右寸之脈洪大宜令其下行由腑而出則卽
可霍然投知母花粉冬瓜子桑葉杷葉黃苓葦莖卮子等藥果
大便連瀉極熱之水二次而脈靜身涼知飢啜粥遂痊設他人

治之初感總用汗藥勢必釀成大證。

王氏醫案卷六完

原名仁術志

王氏醫案續編

卷六

五

王氏醫案續編卷七 原名仁術志

浙西王士雄孟英醫案

同郡沈宗淦辛甫續輯

謝譜香素體陰虛忽患環跳穴痛始而下及左骹繼而移于右
骸甚至兩足轉筋上衝于腹間或痛自乳起下注于髀日夜呼
號肢冷自汗略難反側醫見其血不華色輒投補劑迨仲春孟
英自江西歸診脈絃、栗、微、滑、畏、熱、知、飢、瘦、短、便、堅、舌、紅、不、渴、乃
陰虛而痰氣滯于厥陰也以菴蓉、鼠、矢、竹、茹、絲、瓜、絡、橘、核、茴、香、

湯炒當歸吳萸湯炒黃連川椒湯炒烏梅延胡湯炒棟實海蛇
鳧茈爲劑。一服卽減數。吸而安。繼與虎潛加秦朮而起。

陳建周令卽患春溫初起卽神氣躁亂驚懼不眠兩脈甚數。孟
英謂溫邪直入營分也。與神犀丹佐紫雪兩劑而瘥。夏閒吳守
旆暨高若舟令卽胡秋初四令愛患溫初起卽肢痺妄言神情
瞢亂。孟英皆用此法。尋卽霍然。世人每執汗解之法爲初感之
治。孰知病無定體。藥貴得宜。無如具眼人稀。以致天枉載道。歸
諸天數。豈盡然歟。

鮑繼仲于季春望日忽然發冷而喘汗欲厥。速孟英視之。脈沉

絃而更滑帶數是素患痰飲必誤服溫補所致也家人始述去冬服胡某腎氣湯頗若相安至今久不吐痰矣孟英曰病在肺肺氣展布痰始能行雖屬久病與少陰水泛迥殊辨證不明何可妄治初服頗若相安者方中附桂剛猛直往無前痰亦不得不爲之辟易又得地黃等厚濁下趨之品迴護其跋扈跳梁之性然暴戾之氣久而必露柔膩之質反阻樞機治節不伸二便澹少痰無出路愈伏愈多一朝卒發遂壅塞于清陽升降之路是以危險如斯須知與少陰虛喘判分霄壤切勿畏虛妄補投以薤白枳杏旋赭橘半苑茹蘆根蛤粉雪羹之劑而平繼與肅

此正吳氏所謂
涼藥無添穢之
功而反冰伏其
邪也

吳又可之法切
於疫而不甚切
於溫觀此可見

清肺氣而滌留痰。匝月始愈。

主皺石廣文令弟患春溫。始則譫語發狂。連服清解大劑。遂昏
沉。不語。肢冷如冰。目閉不開。遺溺不飲。醫皆束手。孟英診其脈
絃大而緩滑。黃膩之苔滿布。穢氣直噴。投承氣湯加銀花石斛
黃芩竹茹元參石菖蒲下膠。黑矢甚多。而神稍清。略進湯飲。次
日去硝黃。加海蛇蘆根黃連石膏。服二劑。而戰解。肢和苔退。進
粥。不勞餘力而愈。繼有張鏡江邀治葉某。又錢希敏之妹丈李
某。孟英咸一下而瘳。惟吳守旂之室暨鄭又僑皆下至十餘次。
始痊。今年時疫盛行。醫多失手。孟英隨機應變。治法無窮。救活

案中所載多溫
瘧暑瘧故治多
涼解瘧證多端
寒熱俱有不可
執一而論此證
亦溫瘧也

獨多。不勝縷載。

褚芹香女校書患汎愆寒熱。醫以爲損。輒投溫補。馴致腹脹不
飢。帶淋便閉。洩澀而痛。孟英診脈。絃勁而數。乃熱伏厥陰。誤治
而肺亦壅塞也。與清肅開上之劑。吞當歸龍薈丸兩服。寒熱不
作。而知飢。旬日諸恙悉安。

聞氏婦孟夏患閒瘧。而妊身八月。數發後熱熾昏沉。腰疼欲墮。
張養之囑援于孟英。脈來洪滑且數。苔色黃膩垢濁。與黃芩知
母。竹茹。竹葉銀花。桑葉絲瓜絡。石斛石膏。石菖蒲。一劑而痊。
朱佳木令尊患閒瘧。年踰七旬。人頗憂之。孟英切脈。絃滑腕悶。

三
黃曰無恐也。投清熱滌痰藥。數劑霍然。

李明府令正年踰花甲。素患痰嗽。近兼晡熱不飢。頭疼不食。醫治罔效。姚小荷薦孟英視之。脈滑數。乃痰火內伏。溫熱外侵。投石膏藥二服。而熱退。知飢。又數劑。併宿恙而愈矣。

宋氏婦患感。反覆已經向痊。忽然腹脹上至心下。氣喘便瀉。溺閉。湯飲不能下。嚔自汗不能倚息。家人皇皇。且極貧不能延診。走乞孟英擬方挽救。因以桂枝石膏旋赭杏朴芩半黃連通草爲劑。果覆杯而病若失。張養之目擊。歎爲神治。

翁嘉順之婦弟吳某。勞傷之後。發熱身黃。自以爲脫力也。孟英

察脈。與數。是溼溫重證。故初起。卽黃。亟與清解。大便漸瀉。小溲甚赤。溼熱已得下行。其熱卽減。因家住茅家埠。吝惜輿金。遽爾輟藥。七八日後。復熱。譫語昏聩。抽痙遺溺。再懇孟英視之。溼熱之邪。擾營矣。投元參犀角。薤蒲連翹。竹茹竹葉銀花石膏。泄衛清營之法。佐牛黃。太紫雪丹。而瘳。髣皮已塌。亟令貼羊皮金。不致成瘡而愈。

朱惇。嘗令正患感。吳某與表藥二帖。發出赤疹。神氣漸昏。葉某知其素患耳聾目障。爲陰虛之體。改用犀角地黃湯二劑。而遺溺痙厥始延。孟英視之。曰。雖形瘦陰虧。邪易擾營。幸非溼盛之

軀。尙。可。設。法。但。心。下。拒。按。呃。逆。便。闕。是。痰。熱。尙。阻。氣。分。誤。服。升。
提。每。成。結。胸。地。黃。滋。滯。實。爲。禁。藥。今。人。臨。證。不。能。詳。審。往。往。用。
非。所。當。用。本。年。敗。證。甚。多。余。每。見。神。未。全。昏。便。不。甚。闕。惟。胸。前。
痞。結。不。可。救。藥。而。死。者。皆。升。提。之。誤。進。或。滋。滯。之。早。投。也。石。北。
涯。在。旁。聞。之。歎。曰。無。怪。乎。君。素。以。犀。角。地。黃。湯。奏。奇。績。而。他。人。
效。尤。屢。債。事。豈。非。能。與。人。規。矩。不。能。與。人。巧。耶。于。是。以。犀。角。元。
參。茹。貝。旋。婁。杷。苑。白。前。菖。蒲。爲。方。調。紫。雪。兩。服。呃。逆。止。神。漸。清。
而。咽。疼。口。渴。乃。去。紫。雪。前。菖。加。射。干。山。豆。根。知。母。花。粉。吹。以。錫。
類。散。二。日。咽。喉。卽。愈。胸。次。漸。舒。疹。回。熱。退。去。犀。角。紫。苑。射。干。豆。

根加銀花卮子竹葉海蛇鳧苴漸安眠食。唯大解久不行。孟英曰。腹無痛苦。虛體祇宜潤養。佐以菰蔞麻仁當歸生地等藥。多服而下。遂愈。

李德昌之母。仲夏患感。醫診爲溼。輒與燥劑。大便反瀉。遂疑高年氣陷。改用補土。馴致氣逆神昏。汗多舌縮。已辦後事。始乞診于孟英。鯀洪數無倫。右尺更甚。與大劑犀角石膏黃芩黃連黃柏知母花粉卮子石斛竹葉蓮心元參生地之藥。另以冷雪水調紫雪灌。一晝夜。舌卽出齒。而喉舌赤腐。嚥水甚痛。乃去三黃。加銀花射干豆根。併吹錫類散。三日後鯀證漸和。稀糜漸受。改

運樞機通經絡
爲孟英用藥祕
訣無論用補用
清皆不離此意
細觀各案自知

投甘涼緩劑旬日得堅黑矢而愈。

余明齋形瘦體弱患閒日瘧寒少熱多二便澀滯脘膈悶極苦
膩不渴孟英切脈緩滑而上溢曰素稟雖陰虧而痰溼阻痺既
不可以提表助其升逆亦未宜以涼潤礙其樞機投以滑朴茹
旋通草枇杷葉葶藶金蘭葉之方苦色漸退卽去朴鬱加連
枳半夏胸悶漸開瘧亦減便乃暢再去滑半連枳加沙參石斛
橘皮黃芩浹旬而愈。

董哲卿貳尹令正胎前患嗽晚後不痊漸至寢汗減餐頭疼口
燥奄奄而臥略難起坐孟英診脈虛絃與數視舌光赤無苔曰

此頭疼口燥乃陽升無液使然豈可從外感治是衝氣上逆之
嗽初非傷風之證也與蕤蓉石英龜板茯苓冬蟲夏草牡蠣稽
豆衣甘草小麥紅棗藕數帖嗽減餐加頭疼不作加以熟地服
之遂愈

慶雲圃觀察令郎恩蔭堂司馬陡患偏墜醫與茴香蘆巴烏藥
荔枝等劑遂痛不可忍浼趙棠村鯉尹邀孟英視之按其脈膚
甚熱曰非疝也畢丸腫痛必偏于右此溼熱時邪也設以疝治
之必成癰按法治之果覆杯而痛減三服而便行熱退因食羊
肉腫痛復作再與清解諄囑慎口腹而瘳

吳憲章年踰花甲患感醫知其爲溼溫也投藥不應而仍能起
楊理事石北涯拉孟英視之冀其勿致加劇及診脈左寸數疾
餘皆戛大穀食略減便溏洩少苔色膩黃舌尖獨黑孟英不肯
予方人咸詫之因曰證原不重吾以脈象舌色察之是平昔曲
運心機離火內亢坎水不制勢必自焚况兼溼溫之感乎果數
日而殞

黃純光年七十八歲患溼溫至旬餘蝦形歇代呃忒連朝諸醫
望而畏之孟英診曰脈雖歇而絃搏有根是得乎天者厚雖屬
高年猶爲實象參以病深聲噦原非小故而二便窒澀苔膩而

灰似府氣未宣。痰溼熱阻其氣化流行之道也。清宜展布。尙可圖焉。何新之。避其議。因以旋。茹。扈。棟。杷。杏。莢。連。苑。婁。雪。蕤。爲。劑。片。通。草。一。兩。煎。湯。煮。藥。投。七。卽。減。數。服。而。大。吐。膠。痰。連。次。更。衣。遂。安。粥。食。惟。動。則。嗽。逆。漸。露。下。虛。之。象。予。西。洋。參。龜。板。牡。蠣。莖。蓉。石。斛。牛。膝。冬。蟲。夏。草。石。英。茯。苓。當。歸。等。藥。而。各。悉。遞。安。繼。加。砂。仁。熟。地。而。起。

錢聞遠自春閒偶患痰嗽。醫投蘇葛而失音。更醫大劑滋補。漸致飲水則噎。久延愈劇。邀孟英診。曰。左寸動數。尺細。關絃。右則澀。乃心陽過擾。而暗耗營陰。肺金受燥。清肅不行。水失化源。根

無○蔭○底○左○升○太○過○右○降○無○權○氣○之○經○度○既○乖○血○之○絡○隧○亦○痺○飲○
水○則○嗆○是○其○據○也○金○遇○火○而○伏○其○可○慮○乎○繼○而○瘀○血○果○吐○納○食○
稍○舒○老○醫○嚴○少○眉○以○爲○可○治○竭○力○圖○維○仍○殞○于○伏○

湯○西○睦○年○踰○花○甲○感○證○初○起○周○身○膚○赤○滿○舌○苔○黃○頭○痛○腰○疼○便○
澀○溲○痛○伊○親○家○何○新○之○診○爲○險○候○囑○延○孟○英○診○之○脈○見○絃○細○而○
夷○乃○陰○虛○勞○倦○溼○溫○毒○重○之○證○清○解○之○中○須○寓○存○陰○以○犀○角○羚○
芩○茹○銀○翹○桑○葦○通○草○蘭○葉○爲○方○煎○以○冬○瓜○湯○服○之○偏○身○赤○疹○而○
左○眼○胞○忽○腫○右○臂○痠○疼○不○舉○耳○聾○神○不○清○爽○亟○以○元○參○丹○皮○菊○
花○卮○子○桑○枝○絲○瓜○絡○石○斛○竹○葉○煎○調○神○犀○丹○爲○劑○偶○邀○瘍○科○視○

外患亦知病因溼熱連進木通等藥脈更細弱神益昏憊飲食不進。洩瀉愈疼。新之以爲難挽矣。孟英曰。急救陰液。尙可轉機。授復脈湯。去薑桂麻仁。易西洋參。加知母花粉。竹葉蔗漿。灌之。一劑神甦。脈起。再服。苦退。知飢。三啜。身涼。溺暢。六帖後。膚蛻安眠。目開。舌潤。或疑甘柔滑膩之藥。何以能清溼熱。孟英曰。陰虛內熱之人。蘊溼易于化火。火能燠液。濡布無權。頻溉甘涼。津回氣達。徒知利溼。陰氣先亡。須脈證詳參。法難執一也。又服數劑。後忽然肢腫。偏發風塊。癢癢異常。或又疑證之有變也。孟英曰。此陰液充而餘邪自尋出路耳。與輕清藥數帖。果瘥。

趙菊齋仲媳素患陰虛內熱時或咯血。去年孟英已爲治愈。既而汛事偶愆。孟英診曰。病去而孕矣。今春婉後患瀉。適孟英赴豫章之診。專科進以溫熱之方。而欬嗽乃作。更醫改授養營之劑。則滑泄必加。籤藥乂方。備嘗莫效。比孟英歸。投以甘麥大棗配梅連之法。證漸輕減。繼爲其姻黨尼之多方。蠻補遂致腹痛。減餐。日下數十行。皆瑩白堅圓。如白蒲桃之形。上紫血絲。菊齋悔悶。仍乞援于孟英。于仲景當歸生薑羊肉湯。每劑吞雅膽仁二十一粒。以龍眼肉爲衣。果兩服而便轉爲澀。痛卽遞減。再與溫養奇經之龜板鹿霜歸苓杞菟甘芍烏鰂菴蓉蒲桃藕等藥。

調理而痊。

海鹽任斐庭館于關琴楚家。季夏患感。黃某聞其身熱而時有微寒也。進以薑黃柴棗等藥。數帖熱愈壯。而二便不行。更醫連用滲利之劑。初服洩略通。既而益闕。居停以爲憂。始延孟英視焉。證交十四日。骨瘦如豺。脈絃細而澀。舌色光紫。滿布白糜。夜不成眠。渴不多飲。粒米不進。少腹拒按。勢將喘逆。雖屬下證。而形脈如斯。法難直授。先令取大田羸一枚。鮮車前草一握。大蒜六瓣。共搗爛。加麝香少許。罨臍下水分穴。方以元參紫苑卮子知母花粉海蛇鳧苈菴蓉牛膝天冬爲劑。加鮮地黃汁服之。其

夜小溲卽行氣平略寐。又兩劑大解始下。退熱而漸進稀糜。乃去雪羹。卮菀菴膝地黃汁。加西洋參麥冬石斛乾生地竹茹銀花等藥。又服十餘帖。凡三解黑矢。而舌色復于紅潤。眠食漸安而起矣。

莊芝階舍人令愛。孀居在室。陡患氣衝欲厥。腹痛莫當。自服沉香吳萸等藥。病益劇而嘔吐發熱。略有微寒。孟英按脈絃滑。且數。苔色滑膩微黃。而渴喜冷飲。便閉溲熱。眠食皆廢。是伏痰內盛。肝逆上升。而兼吸受暑熱也。予吳萸水炒黃連枳實竹茹栝。隻石膏旋覆赭石知母半夏雪羹服二劑。吐止痛減。五劑熱退。

而解猶不暢旬日始得豁然。乃去石膏知母旋頰調之而愈。
陳書伯太史令弟婦。婉後三日發熱汗多苔黃眩悸。孟英切脈
絃細虛數。乃營陰素虧。酷熱外燄。風陽浮動。痙厥之萌也。予元
參白薇青蒿生地小麥蘆豆衣石斛鼈甲竹葉。兩劑熱退知飢。
悸汗不止。去蒿薇加龍牡蓮心龜板石英而安。繼又暑風外襲。
壯熱如焚。渴飲不飢。覩物盡赤。改投白虎加西洋參竹葉蓮杓。
一啜而瘳。仍與鎮攝滋潛善其後而愈。

顧氏婦。半產後因喫飯腕痛。人以爲停食也。進以消導。痛甚發
熱。臥則右脇筋掣難忍。孟英曰。此非發散攻消可療。予旋覆絲

瓜絡冬瓜子蓮桿葦莖竹茹貝母枇杷葉蘭葉通草爲方一劑知二劑已。

高氏婦因戒鴉片而服外洋丸藥諸無所苦惟便閉不通醫治兩月迄不能下且仍安穀而面赤齟齬欲挑每以銀鍼欺入齒縫而拔出之時銀色已如煤黑孟英診脈滑數予犀角石膏硝黃升麻蜣螂爲劑和以鮮銀花汁一杯服後夜間登圉三四行而病去及半再予清解化毒而痊。

太倉陸竹琴令正陡患心悸肢冷如冰其子皇皇浼吳江程勉耘懇援于孟英察其脈浮絃而數視其舌尖赤無苔乃陰虛陽

越煎厥根萌子元參二至三甲龍齒石英生地牛膝茯神蓮子
心而愈。

趙子循室。晚後服生化湯二帖。更因驚嚇。三朝發熱。連投四物
六、合、等、湯。病、日、以、甚。半、月、後、始、延、孟、英、診、之。脈、象、左、絃、急、右、洪、
滑、數、苔、黃、大、渴、譫、語、嗽、痰、惡、露、仍、行。唇、齒、乾、燥、是、因、陰、虛、之、體、
血、去、過、多、木、火、上、浮、酷、暑、外、燦、津、液、大、耗、兼、有、伏、痰、之、候、也。亟
與、營、衛、兩、清。冀、免、他、變。而、母、家、極、畏、石、膏。堅、不、與、服。越、三、日、勢
益、劇。計、無、所、施。子、循、之、叔、笛、樓。與、其、表、兄、許、芷、卿。徑、以、白、虎、加
減、投、之。證、有、轉、機。翼、日、再、迓、孟、英、會、同、笛、樓。暨、其、舅、氏、許、吉、齋。

仍是陰血大虛
故變證如此非

山長協商安治。咸是王議。且以西瓜汁助其藥力。熱始日漸下。行二便如火。又數日漸安。粥食神氣亦清。起坐梳頭。夜能靜寐。然熱蘊太久。下焦患癰。膿雖卽潰。陰液漏傷。脈復空數。浮大便秘。善嘔。口乾多夢。皆木少水涵。燥津侮胃之見證也。孟英與笛樓商。以白頭翁湯加龍骨三甲甘草木瓜。以育陰潛陽。餘糧石脂丸中加梅連。以息風鎮胃。果得瘡口膿乾。餐加瀉止。脈柔熱淨。苔退神怡。正須善後。甫授滋填。不期酷熱兼旬。甘霖忽降。牕開徹夜。復感風邪。身熱微寒。鼻流清涕。而陰液久奪。外患未痂。培養礙投。又難發汗。肝風內應。痰噤旋形。九仞之功。遂成畫餅。

聖由於風邪也

門外漢未免以成敗論。然此案自堪傳也。

陳某患嗽。嗽則先吐稀痰。次則黃濃甜濁之痰。繼之以深紅帶紫之血。仍能安穀。別無所苦。多藥不愈。孟英切其脈緩大。而右關較甚。乃勞倦傷陽。而兼溼熱蘊積也。予沙參、生薏、苡木、瓜蒌、苓、竹茹、桑葉、枇杷葉、生扁豆、葦莖、花粉、爲劑。吞松石豬膽丸而愈。王瘦石夫人患滯下。腹痛微嘔。不飢口苦。溲短耳鳴。孟英診曰。脈見細弱之形。肌無華澤之色。汎不行而早斷。舌紫黯以無津。是素質陰虧。情懷悵鬱。二陽默熾。五液潛消。雖吸暑邪。莫投養藥。予白頭翁湯加雪羹、銀花、卮子、棟實數劑。而減。繼去雪羹。

先清暑邪

加生地菴蓉柿餅藕汁而安。改授甘麥大棗加西洋參生地菴
蓉竹茹歸芍蒲桃乾。而以藕湯煎服。調養體質。以痊。

王氏醫案續編卷八

杭州王士雄孟英醫案

仁和徐然石亞枝續輯

仁術志者。海豐張君柳吟所題孟英之醫案也。吾師趙菊齋先生暨莊舍人芝階爲之序。余以未與其事。深以爲歉。秋閒偶過孟英。適有陳姓者牽羊來謝。孟英頗疑之。其人曰。三月閒次媳患時感。而氣逆不能眠。醫皆畏卻。特延君診。甫按脈云。甚滑疾。是爲娠象。用藥必須顧及。此時次媳於去秋晚後。月事尙未一。

行君爲此言。闔家未嘗不竊笑也。迨疾漸平。哺兒之乳亦不覺少。雖自問亦斷斷非孕。至六月間。腹漸脹。方謂有病。不料昨日倏產一孫。舉家敬服高明。故來致謝耳。孟英因謂余云。昨診魏子恒之室亦妊也。諸醫作虛損治。脈雖虛微。與數而滑。象仍形。病家深不以吾言爲然者。緣病人之女兄二人皆死於虛勞也。然其伯仲之證。吾皆診焉。今已十餘年矣。猶憶伯字於關氏未嫁而卒。證非不治。亦爲藥誤。病中閱吾方案。極爲折服。且曰。先生來暮。儂不能起矣。前此延致諸名家。徒曰虛證宜補而不治。其所以虛方則羣聚補藥。必以地黃爲之冠。雖有參耆亦列於

徐靈胎批葉案
云便血無至十

後。即使用藥不乖。而陽生陰長。氣爲血帥之旨。尙未分曉。况其
他乎。吾聞而愕然。何以閨中女子。亦解談醫。細詢始知爲乾隆
間名醫吳穎昭先生之女孫也。尤爲惋惜。仲適於陳少帝少府
的係損證。若季者因其家懷先入之見。遂致醫人迎合誤事。豈
不可歎。迨秋仲果聞魏氏分娩。母子皆亡。方歎孟英之卓見爲
不可及也。爰采秋冬諸案之治法。不同於尋常者。而續成一卷
云。

便血至三十餘年。且已形瘦腰疼。嗽痰氣逆。似宜溫補之法矣。
而嘉定沈醞書患此瀕危。求孟英以決歸程之及否。比按脈絳。

餘年者惟痔血
則有之今便血
三十餘年不間
可知為痔血矣
惟徐氏未嘗出
方孟英此案足
為程式

數視舌苔黃詢溺短赤曰痔血也殆誤於溫補矣肯服吾藥旬
日可瘳醞書欣感力排眾論徑服其方果不旬而愈方用葦莖
合白頭翁湯加枇杷葉旋覆花側柏葉藕是肅肺祛痰清肝涼
血互用也

產後諸證首必通瘀然有不可以常理測者表弟周鶴庭室新
產暈汗目不能開心若懸旌毫無惡露乃父何君新之按其脈
有虛絃豁大之形亟拉孟英圖之子以三甲石莖丹參琥珀甘
草小麥稽豆衣等藥覆杯即安數服而愈或詰其何以知非瘀
血為患曰此陰虛之體既產而營液大脫風陽上冒雖無惡露

胸腹皆舒。豈可誤作瘀衝而妄投破血之藥耶。

許季眉別駕室歸自維揚。仲秋患疰。自作寒溼治。勢益劇。其從子芷卿以爲挾風暑也。連進清解。病不減。邀孟英診之。脈絃滑而洪。體豐多汗。苔黃便血。嘔渴妄言。徹夜不眠。欲卧于地。乃伏痰內盛。暑擾陽明也。投大劑石膏。知母。犀角。元參。石斛。銀花。黃芩。花粉。蘭葉。竹瀝。三帖證始平。芷卿隨以多劑肅清而愈。

莊芝階舍人年七十矣。患閒瘧。寒則戰慄。熱則妄言。孟英視之。脈絃數而促。苔黑口乾。是素有熱痰。暑邪內伏。子知母。花粉。元參。石斛。黃芩。竹茹。連翹。海蛇。蘆根。蓮子。心等藥數啜而瘳。至仲

冬因泛湖宴客。感冒風邪。痰嗽頭疼。不飢寒慄。自服羌蘇荊芥藥二劑。勢益甚。而口渴無溺。孟英切其脈。與季秋無異。但兼浮耳。證屬風溫。既服溫散。所謂熱得風而更熾也。舌絳無津。亟宜清化。以桑葉枇杷葉。梔子知母。冬瓜子。元參菊花。花粉貝母梨汁爲劑。投七卽減。旬日而痊。

孫位申室。平昔陰虛肝滯。痛脹少餐。暮熱形消。咽疼喉癰。不孕育者九年矣。往歲汛愆。人皆謂將不起。而孟英切其脈。尚不細。膚猶淖澤。許籌帶病延年之策。果月事仍行。而諸恙皆緩。且能作勞。惟飯食日不過合米。今秋延孟英往診。云經自三月至今。

未轉一切舊恙。彌見其增。君術雖仁。恐難再延其算矣。及舉脈絳滑左甚。遽曰。豈僅可延其算哉。且有熊羆入夢矣。其家聞之。駭異。迫季冬果得一子。頗快而健。

翁嘉順於去年秋閒。偶從梯半跌仆。初無所傷。旬日外陡發寒熱。膝旁腫痛。外科汪某治之。潰後不能收功。另招許某療之。識爲傷絡。應手漸效。翁極信服。然培補年餘。雖納食不減。而肌肉漸削。面色黧黑。步履蹇滯。且一旬半月之閒。必患處疹腫大發。寒熱臥榻數日。始能強起。大費不貲。愈發愈劇。至冬閒咽糜齧腐。睛赤音嘶。乃懇孟英以決吉凶。按脈滑數。舌絳便艱。口臭溲

孟英諸案大抵
救溫補之失故
寒涼爲多然料
酌盡善不以苦
寒傷生氣則非
他人所能學步
也

少○蘊○隆○蟲○蟲○良○由○瘍○醫○僅○知○溫○托○一○法○既○潰○之○後○更○以○溫○補○收○
功○善○後○竟○未○察○其○體○氣○病○情○以○致○平○時○所○有○之○溼○熱○痰○火○一○齊○
關○住○病○猶○自○尋○出○路○寒○熱○頻○作○而○醫○者○不○識○妄○指○爲○虛○補○及○踰○
年○人○財○兩○瘠○真○諺○所○云○將○錢○買○懣○悴○也○予○元○參○黃○柏○知○母○甘○草○
銀○花○苓○粉○綠○豆○卮○子○海○蛇○鳧○茈○爲○大○劑○投○之○外○吹○以○錫○類○散○且○
令○日○啖○梨○蔗○麒○麟○菜○柿○餅○等○物○至○五○十○日○諸○恙○悉○蠲○體○腴○善○步○
胎○前○產○後○疑○似○極○多○號○曰○專○科○尙○難○措○手○陳○肖○巖○孝○廉○媳○屠○仲○
如○之○女○也○汎○愆○一○度○次○月○仍○行○方○疑○其○病○也○孟○英○診○曰○尺○雖○小○
弱○來○去○緩○和○是○娠○也○繼○而○果○然○仲○如○令○弟○子○綠○之○室○經○事○稍○遲○

通血之劑亦清
靈無弊

孟英偶診亦以孕斷尋驗甫三月患胎漏適孟英丁內艱遂不
克保而墮墮後惡露雖行而寒熱頭疼時或自汗且覺冷自心
中出醫謂類瘧與溫化之藥病日甚交八日孟英始出門卽延
診之脈來沉實而數舌色紫黯乃瘀血爲患耳予桃仁澤蘭山
查茺蔚旋覆紅花丹參通草琥珀蛤殼絲瓜絡之劑服後腹大
痛下瘀血如肺者一枚次日諸恙較減乳汁大流再以前方去
通草加麥蘗投之服後腹仍痛復下瘀塊纍纍而諸恙若失或
問先生嘗言產後腹無痛苦者不可妄行其血此證惡露已行
腹無疼脹何以斷爲瘀阻而再行其血耶孟英曰正產如瓜熟

帶落諸經蔭胎之血貫串流通。苟有瘀停必形痛脹。墮胎如癰瘍未熟。強擠其膿。尚有未化之根柢。不能一齊盡出。所以胎雖墮而諸經蔭胎之血萃而未渙。淺者雖出。深者尙畱。況是血旺之軀。加以溫升之藥。挽其順流之路。窒其欲出之機。未到腹中。脹疼奚作。吾以循經通絡宣氣行瘀之法。導使下行。故出路始通。而後腹痛瘀來。然必有脈可徵。非謂凡屬墮胎皆有是證也。鎖容亭令姊自太倉歸寧。卽患時瘧。顧某一手清解。業已安穀下榻矣。忽然氣逆肢寒。神疲欲寐。耳聾舌蹇。杳不知飢。大便行仍別無痛苦。顧知其素患脫血。元氣久虛。改用參附等藥。勢愈劇。

以爲欲脫矣。所親吳久山囑拉孟英圖之。切脈絃緩。視苔黃膩。乃胎之初孕。阻氣凝痰。窒礙樞機。治當宣豁。以石菖蒲枳實旋覆半夏黃連茯苓橘皮。慈白海蜃竹瀝爲方。投七卽效。三啜霍然。繼而久山令妹爲鎖繩先之室。患瘧而馴致腕痞嘔呃鼻冷。自汗不食不眠。脈來歇止。醫者危之。孟英視之。亦痰爲患耳。卽以此方去慈蛇竹瀝加薤白蔓仁竹茹。投之果驗。

高石泉仲媳。骨小肉脆。質本素虛。冬間偶涉煩勞。不飢不寐。心無把握。夜汗耳鳴。馮某連進滋陰法。病日甚。孟英察其左寸甚動。兩關絃滑。苔色膩黃。乃心肝之火內燔。胃府之氣不降。陰虧

固其本病滋填未可爲非然必升降先調而後補之有益授鹽
水炒黃連石菖蒲元參丹參卮子石斛小麥知母麥冬竹葉蓮
子心等藥服之卽應續予女貞旱蓮牡蠣龜板地黃善後而痊
古方書云喘無善證喘而且汗尤屬可危潘肯堂室仲冬陡患
氣喘醫治日劇何新之診其脈無常候囑請孟英質焉孟英曰
兩氣口之脈皆肺經所主今肺爲痰壅氣不流行虛促雖形未
必卽爲虛諦况年甫三旬平時善飯病起于暴苔膩痰濃縱有
足冷面紅不飢不寐自汗等證無非痰阻樞機有升無降遂
與石膏黃芩知母花粉旋覆赭石粳仁通草海蛇竹瀝菴汁梨

汗等藥一劑知三劑平乃去二石加元參杏仁服旬日而安俟其痰嗽全蠲始用沙參地黃麥冬等以滋陰善後

室女多抑鬱乾嗽爲火鬱夫人而知之者王杞庭之姊年踰標梅陡患乾嗽無一息之停目不交睫服藥無功求孟英診焉兩脈上溢左兼絃細口渴無苔乃真陰久虛風陽上僭衝嗽不已厥脫堪虞投牡蠣龜板鼈甲石英薤蓉茯苓熟地歸身牛膝冬蟲夏草胡桃肉之方藥甫煎果欲厥亟灌之卽寐次日黃昏猶發寒痧仍灌前藥至第三夜僅有寢汗而已四劑後諸恙不作眠食就安設此等潛陽鎮逆之方遲投一二日變恐不可知矣

况作鬱治而再用開泄之品耶。故辨證爲醫家第一要務也。
寓意草謂傷風亦有戴陽證。此爲高年而言。然有似是而非者。
黃鼎如令堂年登大耋。季冬感冒。痰嗽氣逆。額汗顴紅。胸痞不
飢。神情躁擾。孟英診脈左絃疾而促。右滑數而溢。苔色滿布。係
冬溫挾痰阻肺。治節不伸。肝陽鼓舞直升。羅謙甫有治痰火類
孤陽之案。頗相似也。以小陷胸湯加薤白。旋覆。赭石。花粉。海蛇
鬼。苈。竹。瀝。爲大劑。投之。痰活便通。數日而瘳。繼有陳舜廷之父。
年踰花甲。患痰嗽氣逆。惟飲薑湯。則胸次舒暢。醫者以爲眞屬
虛寒矣。連投溫補之劑。馴致咽痛不食。苔色灰刺。便閉無溺。求

孟英診之。脈至雙絃。按之索然。略無胃氣。曰。渴喜黃湯者。不過爲痰阻清陽之證據耳。豈可妄指爲寒。鼻投剛烈。胃陰已竭。藥不能爲矣。

東垣云。中年以後。已行降令。清陽易陷。升舉爲宜。吾師趙菊齋先生。年踰花甲。偶因奔走之勞。肛翻患痔。小溲不行。醫者擬用補中益氣及腎氣丸等法。孟英按其脈。爽滑而數。苔色膩滯。此平昔善飲溼熱。內蘊奔走過勞邪。乃下注。想由強忍其肛墜之勢。以致膀胱氣阻。澀澀不通。旣非真火無權。亦詎清陽下陷。師聞而歎曰。論證如見肺肝。雖我自言。無此明切也。方以車前通。

草烏藥延胡卮子橘核金鈴子澤瀉海金沙調膀胱之氣化而
滲水服之洩卽漸行改用防風地榆丹皮銀花荆芥槐蕊石斛
黃連當歸清血分之熱而導溼肛痔亦平設不辨證而服升提
溫補之方則氣愈窒塞濁亦上行況在高年告危極易也

許芷卿痞起季秋孟英嘗清其伏暑而將愈其從母亦知醫強
投以小柴胡一劑勢復劇孟英予溫膽湯去甘草加生石膏黃
芩知母花粉蘼蕪而安繼因作勞太早而復發適孟英丁憂趙
君笛樓仍用清解而瘥迨季冬移居勞頓瘡復開作且面浮跗
腫喘嗽易噦人皆以爲大虛之候孟英切脈左絃勁而數右滑

天不調苦黃且膩口渴溺多乃肺胃之痰熱有餘肝膽之風陽
上僭畏虛率補必不能療用西洋參知母花粉竹茹蛤殼石斛
枇杷葉青蒿秦艽白薇銀花海蛇爲方連投四劑大吐膠痰而
各恙悉除

薛氏醫案每以補中益氣湯與地黃丸並用爲治雖虛不遠之
賢亦或效尤其實非用藥之法也如果清陽下陷而當升舉者
則地黃丸之陰凝滯膩非所宜也設屬真陰不足當用滋填者
則升柴之耗散不可投也自相矛盾紀律毫無然上下分治原
有矩矱屠敬思素屬陰虧久患痰嗽動卽氣逆夜不能眠頻服

方俱靈妙可以
爲法

滋○潛○納○食○漸○減○稍○沾○厚○味○嘔○腐○吞○酸○孟○英○視○脈○左○絃○而○微○數○右○
則○與○滑○兼○絃○水○常○泛○濫○土○失○隄○防○肝○木○過○升○肺○金○少○降○良○由○久○
投○滋○膩○溼○濁○內○蟠○無○益○于○下○焦○反○礙○乎○中○運○左○強○右○弱○升○降○不○
調○以○菴○蓉○黃○柏○當○歸○芍○藥○熟○地○丹○皮○茯○苓○棟○實○砂○仁○研○爲○末○藕○
粉○爲○丸○早○服○溫○腎○水○以○清○肝○以○黨○參○白○朮○枳○實○菖○蒲○半○夏○扶○苓○
橘○皮○黃○連○莢○藜○生○曬○研○末○竹○瀝○爲○丸○午○服○培○中○土○而○消○痰○暮○吞○
威○喜○丸○肅○上○源○以○化○濁○三○焦○分○治○各○恙○皆○安○悉○用○丸○劑○者○避○湯○
藥○之○助○痰○溼○耳○

本朝乾綱丕振○雀頂尙紅○冠飾朱纓○口燐烟草○皆爲陽盛之象○

是以火證偏多。夫藥者補偏之物。醫爲救弊之人。豈可不識此大氣運。而硜硜然泥夫司天在泉以論治。何異癡人說夢耶。安徽人程某。在余姑丈許辛泉典中司會計。仲冬患感。醫者聞其病前一日。曾啖生蘆菔一枚。而大便又溏。苔色又白。今年又爲溼土在泉。遂指爲中虛寒溼之病。參朮桂附多劑。率投馴致舌黑神昏。尙疑爲大虛之候。禾中沈柳衣見之。知其藥誤。另招張鏡江診之。曰冬溫也。連與犀角地黃湯。而無起色。二十日外始乞孟英視焉。舌縮底絳。苔黑如漆。口開莖萎。脈細數而絃。右則按之如無。陰液盡燥。溫毒深蟠。甘露瓊漿不能復其已竭之津。

矣。俄而果敗。繼有潘聖徵于仲冬患感。至十四日退熱之後。杳不知飢。羣醫雜治。迨季冬下旬。轉爲滯下。五色。脛腫裂血。洩澀口乾。始延孟英診之。左脈絃細而數。右脈滑而空。苔色黃膩。根焦時。或自汗。乃氣液兩竭。熱毒逗留之象。必從前過服溫補之藥。否則熱退在十四日之期。何至延今五十餘朝。而見證若是之棘手哉。其弟鴻軒云。此番之病。補藥不過二三劑。惟仲秋患瘡時。醫謂其苔白體豐。云是寒溼。嘗餌附桂數十劑。且日飲燒酒耳。孟英曰。此卽釀病之具矣。治病且難。何況有如許之藥毒內伏。更將何法以生之耶。堅不立方。其家必欲求藥。以期扶持。

度歲。孟英曰：是則可也。以白頭翁湯加銀花、綠豆歸身、白芍、陳
米、燕根、蘭葉、藕爲劑。面以補中益氣大料蒸露代水煎藥。服後
焦苔漸退，蒼色亦正。舉家喜出望外。復丐孟英圖之。奈脈無轉
色，遂力辭之。又沈聽松、龔尹太夫人季秋患瘡，孟英嘗往診之。
曰：伏暑所化，且體屬陽強而多痰火，切勿畏虛，輒從溫補。奈病
者期于速愈，廣徵醫療，或以爲證屬三陰，或謂是子母瘡，或指
爲老年胎瘡。眾楚交咻，病不能愈，延至季冬，亦轉爲痢，且膚腫
臀瘡，口糜舌疱。諸醫束手，復請診于孟英。脈與潘同，不可救藥。
謝譜香體屬久虛，初冬患嗽，痰減食適。孟英丁艱，邀施某視之。

古人補腎不如
補脾補脾不如
補腎之說均有
室理而用違其
宜亦均足致敗
此醫所以首貴
認證也

云是腎氣不納。命火無權。疊進腎氣湯。月餘。遂致嘔惡便溏。不
飢無溺。乃束手以爲必敗矣。季冬。仍延孟英診之。脈甚絃。莖苔
膩。舌紅。乃中虛而健運失職。誤投滋膩。更滯樞機。附桂之剛。徒
增肝橫。予黨參。白朮。茯苓。澤瀉。橘皮。半夏。竹茹。卮子。薏苡。茯苓。
蘭葉。柿蒂。之劑。培中泄木。行水蠲痰。旬日而愈。

藁砧遠出。婦病如狂。似屬七情。而亦有不盡然者。有陳氏婦。患
此月餘。巫醫屢易。所費既鉅。厥疾日增。孟英切其脈。絃而數。能
食。便行。氣每上衝。腹時痛脹。詢其月事。云病起汛後。繼多白帶。
孟英曰。病因如是。而晝則明了。夜多妄言。酷似熱入血室之候。

徑從瘀血治可也。予桃仁紅花犀角菖蒲膽星旋覆赭石丹參琥珀葱白之劑兩服而瘀血果行。神情爽慧。繼去桃仁紅花。加當歸元參服數劑而瘳。

范廉居夫婦與其令愛一時患恙。旬日後咸劇。金粟香薦孟英視之。廉居則大解已行。熱退未淨。氣逆不飢。呃忒自汗。脈形虛大。舌紫無苔。爲上焦熱戀下部陰虧之象。予西洋參旋覆竹茹枇杷葉石斛柿蒂牡蠣龜板刀豆牛膝之劑兩服。卽舌潤知飢。呃汗皆罷。去刀豆旋覆柿蒂加熟地胡桃肉當歸。投之而愈。其室則苔膩口酸耳鳴不寐不飢神憊。脘痛頭搖。脈至虛絃。按之

瀰弱以當歸白芍枸杞木瓜棟實半夏石斛茯神竹茹蘭葉白
豆蔻爲養營調氣和胃柔肝之法數啜而瘳渠女則壯熱數尿
二便皆悶苦黃大渴脹悶難堪脈來絃滑數實係府證也投桃
核承氣加海蛇蘆薈二劑而痊廉居尊人穎禾曰甚矣服藥之
不可不慎也三人之證醫者皆謂可危而治之曰劇君悉以一
二劑起之抑何神歟因憶四十二歲時患病胡魁先川首烏大
早遂致客邪罔戀纏綿百日大爲所困嗣後不敢服藥今四十
年矣昨聞韓組林年雖七十飲噉兼人而平時喜服藥醫以爲
老輒用附桂參茸等藥以期可享遐齡詎料初八日晚餅尙健

飯三更睡醒。倏寒慄發顫。俄而四肢癱瘓。越日云亡。得非卽世
人所謂之子午證耶。孟英曰。此老係陽旺之體。肥甘過度。痰火
日增。年。至。古。稀。真。陰。日。耗。而。久。服。此。等。助。火。燥。陰。之。藥。以。致。風
從火出。立拔根芟。與兒科所云急驚風證。殆無異焉。

古云肥白之人多氣虛。又云痰飲須以溫藥和之。儒醫顧聽泉
體豐色白。平昔多痰。晨起必喘逆。飽食稍安。頗有氣虛之象。李
冬感冒。自服疏解。未效。迺孟英診焉。左關絃寸滑如珠。尺細而
乾。舌尖甚絳。乃真陰素虧。水不涵木。風陽內熾。搏液成痰。謀慮
操持。心陽太擾。肺金受燥。治節不伸。苔雖白而已乾。熱雖微而

晴○赤○忌○投○溫○燥○宜○予○輕○清○用○元○參○石○斛○卮○子○竹○茹○旋○覆○蛤○殼○貝○
母○枇○杷○葉○竹○葉○蘭○葉○蓮○心○爲○劑○三○啜○而○安○自○謂○氣○虛○遽○服○黨○參○
枸○杞○當○歸○等○藥○下○嚥○之○後○卽○覺○火○升○氣○逆○漸○至○言○語○支○離○洩○頻○
自○汗○黃○夜○復○迎○孟○英○拯○治○脈○已○虛○促○不○調○卽○投○牡○蠣○龜○板○鼈○甲○
女○貞○旱○蓮○元○參○甘○草○小○麥○竹○葉○蓮○心○以○和○心○肝○之○陽○而○鎮○龍○雷○
之○奮○一○劑○而○平○繼○又○作○勞○復○感○仍○授○輕○清○之○法○兩○劑○後○又○因○怫○
怒○縈○思○肝○陽○復○僭○顴○紅○目○赤○左○耳○時○聾○夜○不○成○眠○神○情○煩○燥○越○
日○陡○然○大○汗○溼○透○衣○衾○再○速○孟○英○圖○之○脈○極○絃○數○而○細○仍○爲○陰○
虛○陽○越○不○可○誤○認○陽○虛○而○妄○施○附○桂○者○先○令○熏○以○炭○醋○撲○以○蠟○

粉隨灌以大劑。二至二冬三甲元參丹參人參黃連童溲而瘳。繼予多劑育陰清肝始得全愈。又其媳新產之後頭痛甚劇。孟英按其脈右甚滑大。予清陽明法得大解而瘳。

王氏醫案卷八

原名仁術志

跋

或疑孟英醫案二種雖證治多條而善用清涼短于溫補以之立法母乃偏乎余曰火烈民望而畏之故鮮死焉水懦弱民狎而玩之故多死焉藥則反是涼解則人望而畏之設以涼解生之而不感溫補則人狎而玩之設以溫補殺之而不怨徇人欲而求合于世者咸操此術焉而孟英者讀書明道知藥爲治病之具也見是病用是藥宜熱宜涼初無成見然七情內動卽是火邪六氣外侵皆從熱化自然熱證浮于寒證涼解多于溫補正是補偏救弊隨時而中之法胡可謂之偏耶再以余數十年

自擊親族之病而驗之大抵不死於溫則死于補卽不遽死而漸成錮疾亦遷延以死言之痛心指不勝屈姑就余一家而言胞叔偶于秋間發熱舌色黃膩醫以其七旬有餘也投溫補而尋斃余從母患痰火醫以其右尺之沉微無力也而投溫補旋變癲狂延數年斃余長男周歲發熱醫謂慢驚投參朮而殞次男亦然乃變癰證久之亦殞吁可不慘哉可不畏哉迨季男患滯下幼科治之漸劇僉議參附挽回余謂殷鑒不遠與其死于火寧死于水徑投犀角等藥多劑得生考古有救溺死之方卽此可悟又何疑歟

庚戌秋七月族兄燮瘦石謹跋